



PARLIAMENT
OF THE REPUBLIC OF SOUTH AFRICA



GREAT PYRAMIDS OF EGYPT

25 MAY
AFRICA
"AFRICAN RENEWAL, ADVANCEMENT
AND DEVELOPMENT"
DAY

TIMBUKTU MANUSCRIPTS II -
MATHEMATICS, ASTRONOMY

GOLDEN RHINO FROM THE
KINGDOM OF MAPUNGBWE
(SOUTH AFRICA)

TIMBUKTU MANUSCRIPTS III -
ASTRONOMY TABLES

AUSTRALAPITHECUS SEDIBA
(SOUTH AFRICA)



GHANA

GUINEA

GUINEA-BISSAU

KENYA

LESOTHO

LIBERIA

LIBYA

MADAGASCAR

VIER AFRIKADAG

- Afrikadag word elke jaar op 25 Mei gevier.
- Die Organisasie vir Afrika-eenheid (OAE) is op 25 Mei 1963 in Addis Ababa, Ethiopië, in die lewe geroep.
- Om dié geleentheid te gedenk, sal Afrikadag dié jaar vir die 48ste keer gevier word.
- Die OAE was die voorganger van die Afrika-unie (AU) wat op 9 Julie 2002 in Durban, Suid-Afrika, gestig is.
- Daar is 54 lande in Afrika waarvan 53 lidstate van die AU is. Marokko is nie 'n lidstaat van die AU nie.
- Die AU het die Afrikakontinent verenig om sy vele uitdagings soos gewapende konflik, klimaatsverandering en armoede aan te spreek.

DIE BELANGRIKHEID VAN AFRIKADAG

- Afrikadag is 'n viering van Afrika, sy mense en eensgesindheid.
- Dit is 'n dag waarop erkenning gegee word aan die vordering wat die mense van Afrika gemaak het en daar oor die gemeenskaplike uitdagings besin word wat mense wêreldwyd in die gesig staar.

DIE ROL VAN DIE AFRIKA-UNIE (AU) OP DIE VASTELAND

- Die AU is 'n belangrike instelling vir die bevordering van die sosio-ekonomiese integrasie van die vasteland, wat op groter eensgesindheid en samehorigheid tussen die lande en die mense van Afrika gemik is.
- Die AU is op die gemeenskaplike visie van 'n verenigde en sterk vasteland gebaseer.
- Dit is ook op die behoefte gebaseer om 'n vennootskap tussen regerings en alle afdelings van die burgerlike samelewing te vorm, in die besonder met vroue, die jeug en die privaatsektor.
- As 'n kontinentale organisasie fokus dit op vrede, veiligheid en bestendigheid en staan dit sentraal tot die vasteland se hernuwing.
- Die AU poog om demokratiese regte, menseregte en volhoubare ekonomieë in Afrika te verseker, veral deur konflik te beëindig en 'n doeltreffende gemeenskapsmark te skep.

VISIE

Die visie van die Afrika-unie is: **“'n Geïntegreerde, voorspoedige en vreedsame Afrika wat deur sy eie burgers voortgedryf word en 'n stukrag in die internasionale arena verteenwoordig”**.

GESAMENTLIKE OPTREDE DEUR DIE AFRIKA-UNIE

Die mense van Afrika het gesamentlike optredes deur die AU van stapel gestuur om:

- die omgewing te beskerm;
- internasionale terrorisme te beveg;
- die kastyding van die MIV/Vigs pandemie, malaria en tuberkulose te bestry;
- aan humanitêre kwessies aandag te skenk, soos die moeilike omstandighede waarin vlugteling en ontheemdes hulle bevind;
- vrede, veiligheid en bestendigheid te bevorder, en samewerking en ontwikkeling in Afrika te organiseer; en
- samehorigheid dwarsoor die vasteland te versterk en ‘n gemeenskaplike voorbestemming onder die mense van Afrika te bewerkstellig.

SUID-AFRIKA EN AFRIKADAG

- Die vier van Afrikadag beklemtoon Suid-Afrika se bydraende rol en deelname ten opsigte van die vasteland se agenda.
- Afrikadag is ‘n dag om ons Afrika-erfenis te vier, en om die vasteland se geskiedenis en kultuur deur middel van kuns ten toon te stel.
- Dit skerp ‘n verantwoordelike gevoel by almal in, veral die jeug, om die gehalte van lewe vir alle mense in die belangrikste gebiede van maatskaplike bestaan te verbeter, met inbegrip van:
 - Gesondheid, veiligheid en sekerheid
 - Morele herlewing
 - Maatskaplike samehang, kultuur en onderwys
- Deur Afrikadag te vier, het ons die geleentheid om ons verbintenis tot onself, die vasteland van Afrika en ons gedeelde erfenis en voorbestemming opnuut uit te spreek.

DIE ROL VAN DIE PARLEMENT VAN DIE REPUBLIEK VAN SUID-AFRIKA

- Die Parlement van die Republiek van Suid-Afrika neem aan verskeie Afrika-organisasies deel, met inbegrip van die Pan-Afrika Parlement (PAP) en die Parlementêre Forum van die Suider-Afrikaanse Ontwikkelingsgemeenskap.
- In ooreenstemming met die land se buitelandse beleid gee die Parlement van die Republiek van Suid-Afrika in sy algehele beleidsraamwerk vir internasionale betrekkinge in die besonder aandag aan Afrika. Dit sluit in om proaktief met sommige wetgewende vergaderings van die lande om te gaan waar die Suid-Afrikaanse regering by vredesbouprosesse betrokke was.
- Dié jaar sal die Parlement van die Republiek van Suid-Afrika op 23 Mei ‘n Afrika-dialoog aanbied wat op 25 Mei ter viering van Afrikadag deur ‘n debat met die tema “African renewal, advancement and development” gevolg sal word.

AFRIKA EN GEBEURTENISSE 2011

Wêreld Ekonomiese Forum oor Afrika 2011: Kaapstad, Suid-Afrika, 4 - 6 Mei 2011

Tema: "From Vision to Action, Africa's Next Chapter"

Die Wêreld Ekonomiese Forum is 'n onafhanklike internasionale organisasie wat daartoe verbind is om die stand van die wêreld te verbeter deur sake, politieke, akademiese en ander leiers van die gemeenskap aan te stel om wêreld-, streeks- en bedryfsagendas te vorm.

AFRIKA GESONDHEIDSUITSTALLING EN KONGRES, 9 - 11 MEI 2011

Die Afrika Gesondheidsuitstalling en Kongres sal in Mei 2011 by die Johannesburg Expo-sentrum, Nasrec, Suid-Afrika, van stapel gestuur word. Afrika Gesondheid sal 'n groot driedaagse uitstalling en kongres aanbied wat 'n wye reeks onderwerpe sal aanraak wat met gesondheidsorg in Afrika verband hou, en duisende gesondheidsorgkundiges uit die omgewing en regoor die wêreld sal lok.

NUWE AFRIKADAG FEES, 27 - 29 Mei

Ter viering van Afrikadag van 27 - 29 Mei, sal Johannesburg 'n naweekfees genaamd Sanaa Africa aanbied. Die gees van die feesviering sal Afrika se ritmiese hart en lewendige siel aangryp deur sommige van die vasteland se mees opwindende kuns, vermaak, musiek en meer aan te bied.

ANDER BELANGRIKE DATUMS VIR AFRIKA

16 Junie: Dag van die Kind van Afrika

9 Julie: Afrika-uniedag • **25 September:** Pan-Afrika Vrouedag



PARLIAMENT
OF THE REPUBLIC OF SOUTH AFRICA

Produced by the
Public Education Office
Parliamentary Communication Services

Inspired by People

www.parliament.gov.za
P.O. Box 15, Cape Town 8000
Tel: (021) 403 2911
Fax: (021) 403 3303